

開放文學 – 神鬼仙俠 – 東遊記 四六八仙求文老子

卻說男子登仙，光拜金公；女子登仙，先拜金母。一日，何仙姑見諸仙友曰：“往者金公奮誕，眾女仙亦往稱觴，今金母壽誕在邇，眾友亦將往為祝壽乎？”鐘離、採和曰：“我輩雖各有所統，然大禮所在，凡在天者，皆言往賀，吾等安可不往。但用無佳物以為敬耳。”張果老曰：“彼居極樂之鄉，何物不備？必得名人之文以壽之，亦不落於俗套。”鐵拐曰：“此言正是。”洞賓曰：“他人之文不足為奇，若得老君之作方妙。”仙姑曰：“老君待李仙長最厚，何不往彼求之？”鐵拐曰：“吾意正如此。”又曰：“求文系眾人之事，若吾獨往，似欠至誠，還要眾友同往何如？”果老曰：“可。”乃駕祥雲齊至老君門外。仙童報道，八仙來謁。老君披衣出見，命坐。八仙動問起居一遍。老君曰：“近來有事，言之可笑。”八仙再問：“何事？”老君曰：“因下界諸生，盜吾文字，來取功名。有文昌下界，持正文衡，大厭書生文字深刻，以為皆主佛老諸經，乃斥吾道等經，置而不用，深為可惱。吾今將原著經典，盡行跋錄，藏之九重天外，不復與世人作舟楫矣。”眾仙曰：“還當出之，矜式天下。”鐵拐自思曰：“今日之來本為求文，值彼正以文字為怒，如之奈何？”八仙面面相視，未敢發言。忽老君復問曰：“諸仙長公降小齋，必有見論，請言何妨？”鐵拐曰：“因王母壽誕，諸友往賀，無以為敬，持借重老師大文，書之於軸，以為壽耳。”老君曰：“吾正惡此，汝又求之，不將又為世人作話柄耶？”眾仙曰：“天凡迴隔，安得便知。”老君曰：“書生極善模仿，上字不作，庶免議論。第諸君來此，不可終辭。我為作一詞以壽之何如？”八仙曰：“更妙，更妙。”老君援筆書之，乃《千秋歲》一調。詞曰：

昆崙日暖，閨苑風光好。玉樓醉，玄女傳朱顏，頓覺烏雲曉，增纖巧；

人在也，榮華南極祥光繞。位比東王老，歷萬劫而不朽，瑤池臺上司陰教。

鈞天諸品，就贊乾坤自悠久；今朝海鶴添籌，莫惜金樽倒。

八仙讀之，稱讚不止，於是辭別。老君送至雲端。八仙駕雲而返。乃求天孫之綿為軸，編星為字，剪霞為彩，且度王母宅宇之寬廣而為之。即日完備，乃令仙重持軸，並仙桃仙酒前行。八仙盛服乘雲，望王母慶壽而去。